



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

20 JANUARI 2021 (RABU)



KERATAN AKHBAR DAN MEDIA ONLINE (KPDNHEP)

20 JANUARI 2021 (RABU)

Isu minyak masak

Jenama, premis punca harga jualan berbeza

Pengguna diberi jaminan bekalan cukup, stabil

Oleh Mohamed Farid Noh, Mahani Ishak, Baharom Bakar dan Mohd Amin Jalil
bhnews@bh.com.my

Kuala Lumpur: Kementerian Perdagangan Dalam Negeri dan Hal Ehwal Pengguna (KPDNHEP) menegaskan perbezaan harga minyak masak berlaku disebabkan ia bergantung kepada jenama dan premis menjualnya.

Selain itu, perbezaan harga yang ketara dapat dilihat berikutan subsidi hanya diberi kepada minyak masak polibeg 1 kilogram (kg) yang sudah dikuatkuasakan sejak November 2016.

Sumber berkata, KPDNHEP hanya menerima dua hingga tiga aduan, namun ia berkaitan rungutan pengguna yang mendakwa harga minyak masak botol dijual mahal.

"Aduan kita terima hanya membabitkan pengguna mendakwa harga minyak masak botol dijual mahal.

"Sebenarnya, harganya mahal kerana ia bergantung kepada jenama dan premis yang menjualnya," katanya kepada BH, semalam.

BH difahamkan, bahagian penguatkuasaan KPDNHEP juga bermesyuarat mengenai isu terbabit.

Baru-baru ini, pengguna media sosial menyuarakan rungutan menyatakan harga minyak masak

dalam bungkusan 5kg dijual pada harga jauh lebih tinggi daripada kebiasaan.

Dalam kenyataan media sebelum ini, Menteri Perdagangan Dalam Negeri dan Hal Ehwal Pengguna, Datuk Seri Alexander Nanta, dilaporkan berkata, subsidi harga minyak masak hanya diberi kepada bungkusan polibeg 1kg dan pelaksanaan itu dibuat menerusi Program Skim Rasionalisasi Harga Minyak Masak (COSS).

Ketika ini, 60,000 tan minyak masak bersubsidi disediakan setiap bulan untuk diedarkan di seluruh negara termasuk di kawasan luar bandar dan jumlah itu cukup menampung kegunaan pengguna.

Sementara itu, Presiden Persatuan Pekilang-Pekilang Minyak Makan Malaya (MEOMA), Andy Lee, berkata bekalan minyak masak di pasaran adalah stabil dan pembeli menikmati subsidi harga minyak masak bagi bungkusan polibeg 1kg.

"Kilang pemprosesan minyak juga tiada masalah berikutan Kementerian Perdagangan Antarabangsa dan Industri (MITI) membenarkan sektornya beroperasi seperti biasa ketika tempoh PKP ini.

"Pengguna dapat terus membeli bekalan dan kami jamin bekalan mencukupi dan stabil setakat ini," katanya.

Di Johor Bahru, Pengerusi Persatuan Penggerak Pengguna Johor, Md Salleh Sadijo, berkata KPDNHEP disaran melotakkan pegawai khas memantau pembungkusan minyak masak bersubsidi atau paket di kilang minyak, bagi memastikan penjualannya tidak dimanipulasi.



Penguat kuasa KPDNHEP Pulau Pinang, Noor Ain Ahmad dan Muhammad Firdaus Bahador memeriksa stok minyak masak di sebuah pasar raya di Georgetown, semalam. (Foto BERNAMA)

Beliau berkata, langkah itu perlu dilakukan berikutan minyak bersubsidi yang dikawal dan dijual pada harga RM2.50 setiap paket kini semakin sukar diperolehi di pasaran.

Katanya, banyak aduan dan keluhan pengguna diterima di Johor yang terbeban dengan kenaikan mendadak harga minyak botol, selain minyak masak bersubsidi kehabisan stok sejak hampir dua minggu lalu.

"Minyak botol yang harganya naik mendadak sejak bulan lalu tidak pernah kekurangan bekalan, tetapi minyak masak bersubsidi dijual dalam paket 1kg pula tiada di pasaran dengan alasan bekalan sudah habis.

"Sebenarnya, barang keperluan harga subsidi terutama minyak masak bersubsidi memang tidak ramai pengeluar mahu menjual.

Kilang pemprosesan minyak juga tiada masalah berikutan Kementerian Perdagangan Antarabangsa dan Industri membenarkan sektornya beroperasi seperti biasa ketika tempoh PKP ini.

Andy Lee, Presiden MEOMA

nya kerana margin keuntungan dianggap rendah dan tidak berbaloi," katanya semalam.

Tinjauan di beberapa pasar, pasar mini dan kedai serbaneka di Tampoi, Skudai serta Taman Perling, di sini, mendapati kebanyakan kedai tiada bekalan minyak masak paket dan mendakwa tidak lagi mendapat bekalan daripada pembekal.

Md Salleh berkata, pihaknya menjangka trend kenaikan harga barang dan kesukaran membeli minyak masak paket akan berterusan sepanjang Perintah Kawalan Pergerakan (PKP) dikuatkuasakan.

Katanya, ia disebabkan kesukaran pegawai penguat kuasa KPDNHEP dan badan bukan kerajaan (NGO) berkaitan pengguna turun padang memantau harga barang lebih kerap.

Di Seremban, Pengarah KPDNHEP Negeri Sembilan, Ain Arjuna Aziz Zaman, berkata berlaku kenaikan harga minyak masak antara 10 hingga 20 peratus dalam botol jenama tempatan.

Katanya, bermula 9 hingga 19 Januari lalu, pihaknya menjalankan pemeriksaan terhadap 295 premis membabitkan 193 peruncit, 38 pasar raya besar, 36 pasar mini, 22 pasar raya dan enam pemborong membekalkan minyak masak kepada pengguna di negeri ini.

"Kita dapati minyak masak dalam botol bersaiz 1, 2 dan 5kg pelbagai jenama mencatat kenaikan antara 10 sen hingga RM3 sebotol," katanya semalam.

Di Kuala Terengganu, Pengarah KPDNHEP negeri, Saharu-

ddin Mohd Kia, berkata tiada kenaikan harga barangan keperluan termasuk minyak masak sejak kerajaan mengumumkan Perintah Kawalan Pergerakan Bersyarat (PKPB) di negeri itu.

"Minyak masak paket dijual RM2.50 satu kilogram dan minyak botol 5kg dijual antara RM24.70 hingga RM27.90 bergantung pada jenama," katanya.

Bagaimanapun, katanya, terdapat beberapa peniaga dan pengusaha pasar raya menghadkan penjualan minyak masak paket bagi mengekang pembelian panik.

"Ada antara peniaga dan pengusaha pasar raya hanya membenarkan 5kg minyak masak paket bagi setiap pelanggan dan kaedah itu tidak menyalahi peraturan," katanya.

Di Shah Alam, penasihat kehormat Persatuan Penternak Ayam Negeri Selangor, Datuk Ishak Mat Arif, berkata harga ayam ketika ini berpatutan dan masih tidak melebihi RM10 satu kilogram berbanding harga ikan yang lebih mahal.

"Harga satu kilogram ayam segar masih murah untuk kategori protein dan tidak mengalami kenaikan mendadak biarpun masyarakat ragu membeli produk sejuk beku susulan pendedahan kartel daging import baru-baru ini.

"Penternak sering berdepan masalah berikutan pulangan jualan di bawah modal, menanggung kos penternakan tinggi dan membebankan, tetapi tiada pilihan kerana harga silingnya ditetapkan pihak berwajib," katanya ketika dihubungi BH, semalam.

Oleh Mohd Jamilul
Anbia Md Denin, Nurul
Hidayah Bahaudin dan
Mohamed Farid Noh
am@hmetro.com.my

Kuala Lumpur

Jangan kecam membabi buta berikutan harga minyak masak di dalam botol yang dijual di pasaran tidak dikawal kerajaan.

Jurucakap Kementerian Perdagangan Dalam Negeri dan Hal Ehwal Pengguna (KPDNHEP) berkata, heboh di media sosial apabila netizen memperkatakan isu kenaikan harga minyak masak di dalam botol di pasaran sejak beberapa hari lalu.

Menurutnya, apakah yang perlu diketahui dan difahami sebagai pengguna adalah minyak masak botol tidak diberikan subsidi oleh kerajaan.

"Ia dijual mengikut harga pasaran berdasarkan mekanisme pengapungan harga serta harga ditetapkan oleh penjual.

"Kerajaan secara jelas tidak menetapkan harga minyak masak botol. Sebab itu, pengguna boleh melihat, harganya berubah-ubah.

HARGA MINYAK MASAK BOTOL MELAMBUNG

Usah melulu buat kecaman



“Kerajaan secara jelas tidak menetapkan harga minyak masak botol

Jurucakap KPDNHEP

PENGUNA membuat pilihan pelbagai jenama minyak masak botol di sebuah pasar raya di Wangsa Maju ketika tinjauan Harian Metro berikutan isu kenaikan harga minyak masak sejak sebulan lalu.

"Ini dinamakan harga mengikut pasaran se-

masa. Persaingan harga sihat antara peniaga juga berlaku," katanya.

Menurutnya, terdapat banyak pilihan variasi harga minyak masak botol untuk

pengguna dan mereka masih boleh membuat pilihan terbaik mengikut harga ber-

sesuaian.

"Hanya minyak masak jenis pekot seberat satu kilogram (kg) yang diberikan harga subsidi oleh kerajaan dengan harga runcit RM2.50

"Bagaimanapun KPDNHEP tidak memandangkan ringaran isu kenaikan harga minyak masak di pasaran termasuk harga minyak masak di dalam botol," katanya.

Menurutnya, KPDNHEP sentiasa membuat pemeriksaan di setiap rantaian pengedaran dan notis juga dikeluarkan kepada peniaga supaya memberikan tunjuk sebab mengapa menaikkan harga minyak masak di dalam botol.

"Pihak KPDNHEP juga membuat semakan bagi memastikan tiada elemen cuba mengaut keuntungan lebih dalam kalangan peniaga dan pembekal minyak masak.

"Bagaimanapun, pengguna dinasihatkan membuat semakan harga semasa dan membuat perbandingan harga melalui dalam sistem aplikasi *price catcher*," katanya.

Kuala Lumpur: Harga minyak masak lima kilogram (kg) yang naik mendadak baru-baru ini menyebabkan ramai pengguna beralih dan membeli minyak masak dalam pekuk 1kg.

Seorang pemilik kedai runcit di Taman Melati di sini, yang hanya mahu dikenali sebagai Badrul, 45, berkata, dia membeli 10 botol minyak masak 5kg daripada pemborong.

"Malangnya minyak masak berkenaan tidak laku berikutan harganya yang meningkat. Dahulu saya beli bekalan itu pada harga RM18.50 dan dijual kepada pengguna dengan harga RM21.50.

"Tetapi harganya meningkat sejak sebulan lalu apabila harga minyak masak 5kg naik kepada RM22.90 sebotol dan dijual pada harga RM24.50.

"Ini menyebabkan ramai pembeli kini beralih kepada minyak masak 1kg. Akibatnya saya terpaksa menghadkan penjualan minyak masak berkenaan kepada dua pekuk bagi setiap pembeli," katanya, semalam.

Sementara itu, seorang pengguna, Norhariza Azaman, 42, berkata, peningkatan harga minyak masak 5kg dilihat berlaku sejak Perintah Kawalan Pergerakan (PKP) fasa pertama.



SEORANG peniaga kedai runcit menjual minyak masak botol 5kg dengan harga RM24.50 kerana pembekal menjualnya dengan harga RM21.50 sejak sebulan lalu di Taman Melati.

Beralih beli minyak pekuk 1kg

"Saya mempunyai keluarga yang besar menyebabkan saya memilih membeli bekalan minyak masak 5kg.

"Namun kini, harga bekalan itu semakin meningkat. Jika dulu, masih ada minyak masak botol 5kg dijual di bawah RM20," katanya ketika ditemui di sebuah pasar raya di Kajang, Selangor, semalam.

Beliau yang juga pegawai

bank berkata, peningkatan harga bekalan itu agak membebankan kerana kos perbelanjaan bagi barang keperluan semakin meningkat.

"Walaupun perbelanjaan meningkat, saya tiada pilihan selain terus membeli bekalan itu memandangkan ia adalah keperluan asas.

"Ketika ini, saya mengambil langkah membuat tin-

jauan harga di beberapa pasar raya terlebih dahulu sebelum membeli bagi mengurangkan kos perbelanjaan," katanya.

Tinjauan Harian Metro di beberapa kedai runcit dan pasar raya di sekitar Kuala Lumpur dan Kajang, Selangor mendapati harga minyak masak 5kg dijual mencecah harga RM27 mengikut jenama.

Kurang kuota punca bekalan minyak masak terhad

ALOR SETAR: Kekurangan bekalan minyak masak paket bersubsidi satu kilogram di beberapa daerah di negeri ini dipercayai berpunca daripada pengurangan kuota pengeluarannya sejak 1 Januari lalu.

Pengarah Perdagangan Dalam Negeri dan Hal Ehwal Pengguna Kedah, Rae Morn Verak berkata, sebelum ini, sebanyak 19 syarikat pembungkusan yang membekalkan minyak masak paket bersubsidi tersebut di negeri ini dengan jumlah edaran kira-kira 2,772 tan metrik sebulan.

Bagaimanapun, katanya, bermula bulan ini, empat syarikat pembungkusan minyak masak terlibat dikurangkan kuota keseluruhan sebanyak 258 tan metrik.

"Empat syarikat pembungkusan minyak masak tersebut adalah Langkawi Borong Edar yang diedarkan di seluruh Langkawi dan Mani Enterprise (Bedong, Gurun Guar Chem-pedak).

"Dua lagi syarikat ialah Raja Ali yang mengedarkan minyak masak ke Kubang Pasu, Kuala Ketil, Malau, Sungai Kob, Taman Mutiara, Padang Serai,

Karangan dan Labu Besar serta Special Platinum (Kulim, Baling dan Sungai Petani).

"Kekurangan bekalan minyak masak tersebut dipercayai berlaku di kawasan-kawasan terlibat sahaja," katanya dalam satu kenyataan di sini semalam.

Sementara itu di **Pulau Pinang**, peruncit di negeri ini diarah melaksanakan kawalan sendiri ketika menjual minyak masak subsidi paket sekilogram bagi memastikan bekalan itu tidak dijual secara berlebihan kepada seorang pengguna.

Pengarah Pejabat Perdagangan Dalam Negeri dan Hal Ehwal Pengguna (PPDNHEP) negeri, Mohd Ridzuan Ab. Ghapar berkata, pihaknya telah mengeluarkan arahan supaya pembelian dihadkan antara dua hingga lima paket sahaja untuk setiap pembelian.

"Setakat ini bekalan minyak masak paket mencukupi cuma kita memerlukan kawalan sendiri ketika membeli serta menjual minyak masak paket," katanya selepas meninjau harga barangan harian di Tesco Jelutong, di sini semalam.

KPDNHEP mendapati tiada isu kekurangan bekalan minyak masak di pasaran

Beli banyak punca bekalan habis

Oleh NORLIDA AKMAR IDROS



PEGAWAI KPDNHEP melakukan pemeriksaan minyak peket bersubsidi di sebuah premis perniagaan di Alor Setar pada kelmarin.

ALOR SETAR – Pembelian minyak masak peket bersubsidi dalam kuantiti banyak menjadi antara punca bekalan tersebut habis di beberapa premis perniagaan termasuk pasar raya besar di negeri ini.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Kedah, Rae Morn Verak memberitahu, peniaga memaklumkan terdapat peningkatan pembelian minyak masak peket yang mungkin berpunca daripada kenaikan harga minyak masak dalam botol.

Kata beliau, pemeriksaan yang dilakukan di sebuah pasar raya besar di Mergong pada kelmarin mendapati bekalan minyak masak peket habis.

"Ketidadaan minyak masak peket satu kilogram (kg) di pasar raya itu disebabkan oleh pembelian banyak oleh pengguna, bagaimanapun stok akan ditam-

bah semula pada hari yang sama," katanya dalam satu kenyataan di sini semalam.

Kata beliau, hasil pemeriksaan ke atas peruncit, pemborong dan juga pembungkus di beberapa kawasan di negeri ini mendapati kebanyakannya mempunyai bekalan minyak masak bersubsidi tersebut.

"Berdasarkan kepada hasil siasatan yang dijalankan dan maklum balas daripada peniaga mendapati tiada isu kekurangan bekalan terhadap minyak masak bersubsidi.

"Ini kerana peniaga menerima bekalan daripada pembekal seperti yang dimohon dan tidak berlaku pengurangan daripada jumlah penerimaan bekalan minyak masak berkenaan," ujarnya.

Menurut Rae Morn, hasil daripada siasatan juga mendapati hampir setiap premis yang diperiksa mempunyai stok minyak masak bersubsidi dan tidak berlaku terputus bekalan dalam

tempoh lama.

"Para peniaga telah dinasihatkan untuk memastikan barang kawalan iaitu minyak masak bersubsidi itu tidak terputus bekalan dengan tidak menjualnya dalam kuantiti banyak," katanya.

Selain itu, menurutnya, pengurangan kuota melibatkan empat daripada 19 syarikat pembungkus minyak masak dilihat mungkin menjejaskan sedikit pembekalan di kawasan edaran bagi setiap syarikat terlibat.

"Di Langkawi, tiga daripada enam premis yang diperiksa mendapati kehabisan stok bersubsidi yang mana mereka dijangka menerima bekalan bermula hari ini sehingga minggu depan," tambahnya.

Kosmo! semalam melaporkan kekurangan bekalan minyak masak peket bersubsidi di pasaran ekoran permintaan yang tinggi mendorong peniaga menghadkan pembelian kepada satu atau dua peket setiap seorang.



ZAWIYAH Man menunjukkan minyak masak paket bersubsidi yang dijual di kedainya semakin berkurangan di pekan Simpang Empat, Arau, Perlis semalam. - UTUSAN/NAZLINA NADZARI

Minyak paket kurang berjangkit ke Perlis

Oleh **NUR NAZLINA NADZARI**
utusannews@mediamula.com.my

ARAU: Selepas Kedah, peniaga kedai runcit di Perlis juga mendakwa mereka menghadapi terputus bekalan minyak masak paket bersubsidi satu kilogram sejak awal bulan ini dan bimbang stok barang terkawal tersebut akan terus berkurangan.

Tinjauan *Utusan Malaysia* di pekan Simpang Empat mendapati, ramai peniaga mendakwa bekalan minyak masak paket semakin berkurangan didakwa pengeluaran stok yang terhad di kilang.

Seorang pemilik kedai runcit, **Zawiyah Man**, 66, berkata, kedainya pernah terputus bekalan minyak kira-kira seminggu

iaitu minggu pertama bulan ini.

Katanya, pembekal memberitahu bekalan mungkin akan ada masalah dalam masa terdekat dan dibimbangi akan menjejaskan bekalan bahan masakan tersebut.

"Semalam saya telefon pembekal untuk dapatkan 20 beg minyak masak (bersamaan 200 paket), dia beritahu belum tentu dapat dengan jumlah itu.

"Buat masa ini, kami tidak mengehendkan jumlah pembelian. Minyak juga cepat habis disebabkan kebanyakan peniaga restoran akan beli minyak sekali gus satu beg bersamaan 10 paket," katanya di sini hari ini.

Pemilik kedai runcit, **Ang Chai Yab**, 62, berkata, sudah dua minggu bekalan minyak lambat

sampai ke kedainya.

"Awal bulan ini kami terputus bekalan seminggu. Buat masa sekarang ada lagi minyak masak tapi agak risau bekalan agak lambat sampai.

"Menurut pembekal, bekalan minggu depan juga dijangka lambat. Saya pun tidak tahu kenapa dan berharap pihak bertanggungjawab dapat memastikan bekalan minyak di negeri ini tidak terputus," ujarnya.

Seorang lagi peniaga, **Koh Soo See**, 57, mengakui berlaku kekurangan bekalan minyak sejak awal bulan ini.

"Sekarang ini bekalan ada dan tiada masalah dari segi kenaikan harga. Cuma berharap jangan dibiarkan sampai bekalan terputus," jelasnya.

Lantik pegawai khas elak manipulasi jualan

Johor Bahru: Kementerian Perdagangan Dalam Negeri dan Hal Ehwal Pengguna (KPDNHEP) disaran meletakkan pegawai khas memantau pembungkusan minyak masak paket bersubsidi di kilang minyak, bagi memastikan penjualan barang keperluan berkenaan tidak lagi dimanipulasi, selain sering tiada di pasaran.

Pengerusi Persatuan Pengerak Pengguna Johor, Md Salleh Sadijo berkata, langkah itu perlu dilakukan berikutan minyak bersubsidi yang dikawal dan dijual pada harga RM2.50 sekilogram (kg) sepeket kini semakin sukar didapatkan di pasaran.

Katanya, pihaknya menerima banyak aduan dan keluhan pengguna di negeri ini yang terbeban dengan kenaikan mendadak harga minyak botol dengan minyak masak bersubsidi kehabisan stok sejak hampir dua minggu lalu.

"Jika kita lihat di pasaran, minyak

botol yang harganya naik mendadak sejak bulan lalu tidak pernah kekurangan bekalan sebaliknya melimpah ruah di rak premis terutama kedai runcit, kedai serbaneka dan pasar mini.

"Manakala minyak masak bersubsidi yang dijual dalam paket sekilogram pula tiada di pasaran dengan alasan bekalan habis, padahal ia tidak banyak dikeluarkan.

"Hakikatnya barang keperluan harga subsidi terutama minyak masak bersubsidi memang tidak ramai pengeluar yang mahu jual kerana margin keuntungannya dianggap rendah dan tidak berbaloi," katanya di sini, semalam.

Turut hadir, Timbalan Pengerusi Persatuan Pengerak Pengguna Johor, Vengent Pang Wai Keong.

Bekalan minyak masak paket satu kilogram di sekitar bandar raya ini dilaporkan habis sejak dua minggu lalu, sekaligus menyebabkan pengguna resah.

Minyak masak bersubsidi 1kg sepeket semakin sukar didapati di pasaran

Lebih 5,000kg tepung gandum disita

Georgetown: Kementerian Perdagangan Dalam Negeri dan Hal Ehwal Pengguna (KPDNHEP) cawangan Pulau Pinang menyita lebih 5,000 kilogram (kg) tepung gandum daripada seorang pemborong kerana menyimpan barang kawalan berjadual melebihi jumlah dibenarkan dalam lesen.

Ketua Pegawai Penguat Kuasa

KPDNHEP Daerah Timur Laut, Ahmad Ahrazzuddin Ahmad Hamdan, berkata sitaan itu dibuat dalam operasi ke atas sebuah premis, kelmarin.

"Tepung gandum yang ada di premis itu sebanyak 12 tan. Sepatutnya pemborong hanya boleh menyimpan tujuh tan tepung gandum pada satu-satu masa," ka-

tanya di sini, semalam.

Ahmad Ahrazzuddin berkata, pemborong itu mendakwa lebihan berkenaan sebagai persediaan sambutan Tahun Baharu Cina.

Beliau berkata, susulan itu, pemilik premis melanggar Peraturan 9, Peraturan-Peraturan Kawalan Bekalan 1974 dan Akta Kawalan Bekalan 1961 kerana memiliki

barangan kawalan melebihi had seperti dinyatakan dalam lesen.

"Kes ini disiasat mengikut Akta Kawalan Bekalan 1961 dan jika sabit kesalahan, boleh didenda hingga RM1 juta atau penjara maksimum tiga tahun atau kedua-duanya, manakala syarikat boleh dikenakan denda tidak lebih RM2 juta," katanya.

BERNAMA



Ahmad Ahrazzuddin

Sorok 5 tan tepung gandum sempena Tahun Baru Cina

GEORGE TOWN – Kementerian Perdagangan Dalam Negeri dan Hal Ehwal Pengguna (KPDNHEP) negeri menyita kira-kira lima tan tepung gandum yang disorok dalam sebuah gudang pemborong semasa serbuan di Kawasan Perindustrian Bayan Lepas di sini kelmarin.

Ketua Pegawai Penguatkuasa KPDNHEP Cawangan Timur Laut, Ahmad Ahrizzudin Ahmad Hamdan berkata, operasi disertai empat anggota kira-kira pukul 12.30 tengah hari itu mendapati, pemborong berkenaan memiliki tepung gandum iaitu barang kawalan berjadual melebihi kuantiti had dibenarkan dalam lesen.

"Jumlah keseluruhan tepung gandum yang didapati semasa pemeriksaan adalah 12 tan iaitu melebihi jumlah 7 tan yang boleh disimpan dalam satu-satu masa seperti yang dinyatakan dalam lesen.

"Sehubungan itu, kita menyita 5,180 kilogram (kg) tepung gandum pek 1 kg daripada dua jenama bernilai RM9,339," katanya dalam kenyataan di sini semalam.

Ahmad Ahrizzudin berkata, siasatan pihaknya mendapati, pemilik premis terbabit menya-



PEGAWAI KPDNHEP cawangan Timur Laut menyita kira-kira lima tan tepung gandum dari sebuah gudang di Kawasan Perindustrian Bayan Lepas dekat George Town semalam.

takan bahawa tepung-tepung gandum yang lebih itu adalah untuk persediaan menyambut Tahun Baru Cina tidak lama lagi.

"Menurut pemilik, biasanya permintaan tinggi akan berlaku

terhadap tepung gandum setiap kali musim perayaan," katanya.

Beliau berkata, kes itu disiasat mengikut Peraturan 9, Peraturan-Peraturan Kawalan Bekalan 1974, Akta Kawalan Bekalan 1961.

HARI	:	<u>RABU</u>
TARIKH	:	<u>20/1/2021</u>
M/SURAT	:	<u>16</u>

Senarai Harga Barang Keperluan		Senarai Harga Barang Keperluan		Senarai Harga Barang Keperluan		Senarai Harga Barang Keperluan	
	- Ayam RM5.90 - Daging Lembu Tempatan RM34 - Daging Lembu Import RM21	- Telur Gred A RM9.90 - Ikan Kembung RM8.99 - Minyak Masak RM5.25	- Gula Pasir RM2.95 - Bawang Besar Holland RM2.69 - Bawang Putih RM4.88	- Cili Merah RM9.99 - Kubis Tempatan RM3.80 - Tepung Gandum RM2.15	<i>*Harga (RM/kg) Sumber: KPDNHEP</i>		

KPDNHEP rampas 5,180kg tepung gandum

GEORGETOWN- Kementerian Perdagangan Dalam Negeri dan Hal Ehwal Pengguna (KPDNHEP) Daerah Timur Laut merampas 5,180 kilogram tepung gandum daripada seorang pemborong pada Isnin.

Ketua Penguat Kuasa Daerah KPDNHEP Timur Laut, Ahmad Ahrazuddin Ahmad Hamdan berkata, tepung itu didapati disimpan di premis pemborong itu di kawasan Perindustrian Bayan Lepas.

Menurutnya, sepasukan penguat kuasa KPDNHEP menyerbu premis itu jam 12.30 tengah hari selepas menerima maklumat berhubung kegiatan pemborong tersebut.

“Hasil pemeriksaan mendapati pemborong berkenaan memiliki barang kawalan berjadual iaitu tepung gandum melebihi had yang dibenarkan dalam lesen iaitu 12 tan yang mana kuantiti yang dibenarkan adalah tujuh tan sahaja dalam satu-satu masa,” katanya dalam satu kenyataan pada Selasa.

Tambahnya, siasatan mendapati kesemua tepung gandum yang disimpan adalah untuk dijual menjelang musim perayaan Tahun Baharu Cina pada Februari nanti.

“Nilai rampasan keseluruhan serbuan tersebut dianggarkan berjumlah RM9,339,” katanya.

Wholesaler busted for allegedly hoarding wheat flour

GEORGE TOWN: The Domestic Trade and Consumer Affairs Ministry (KPDNHEP) on Monday seized more than 5,000kg of wheat flour from a wholesaler, who was suspected of hoarding the goods.

KPDNHEP northeast district enforcement chief Ahmad Ahrazzuddin Ahmad Hamdan said 5,180kg of flour was found stored at the wholesaler's premises in the Bayan Lepas Industrial area.

KPDNHEP enforcement officers had raided the premises at 12.30pm after receiving information on the wholesaler's activities.

"We suspected that the wholesaler was hoarding controlled items beyond the permitted limit.

"Our checks showed that the wholesaler, whose licence permits only seven tonnes at a time, instead had 12 tonnes," he said.

Ahrazzuddin said their investigations showed that the wheat flour was being stored in anticipation of Chinese New Year next month.

"The wholesaler had reasoned that wheat flour was in high demand during the Chinese New Year season.

"We confiscated 2,930kg of Cap Kompang wheat flour and 2,250kg of Cap Kereta Kebal wheat flour from the premises. All the wheat flour seized had a capacity of 1kg per packet," he said.

Ahrazzuddin said the total value of the seizure was estimated at RM9,339.

The case is being investigated under the Supply Control Act 1961, which provides for a fine not exceeding RM1 million or imprisonment not exceeding three years or both, if convicted.

Ahrazzuddin said KPDNHEP viewed seriously violations committed by licence holders, especially licences of controlled goods issued by KPDNHEP.

"The violations committed can be detrimental to the government and the people," he added.

He also advised all licence holders to comply with the instructions given to prevent them from being subjected to stern action.